

Rumantsch è ina lingua naziunala, ma ina lingua parzialmain uffiziala da la Confederaziun, numnadaman en la correspundenza cun persunas da lingua rumantscha. La translazion d'in decret federal serva a l'infurmaziun, n'ha dentant nagina validitat legala.

Lescha federala davart ils documents d'identitad dals burgais svizzers (Lescha davart ils documents d'identitad, LDI)

dals 22 da zercladur 2001 (versiun dal 1. da schaner 2013)

Attenziun: Las midadas per il 01-08-2016 n'èn betg anc integradas.

*L'Assamblea federala da la Confederaziun svizra,
sa basond sin l'artitgel 38 alinea 1 da la Constituziun federala¹,
suenter avair gi invista da la missiva dal Cussegl federal dals 28 da zercladur 2000²,
concluda:*

1. part Disposiziuns generalas

Art. 1 Documents d'identitad

¹ Tut las burgaisas svizras e tut ils burgais svizzers han il dretg da survegnir in document d'identitad da mintga tip.

² Documents d'identitad en il senn da questa lescha servan a cumprovar la naziunatalitad svizra e l'atgna identitad da la titulara u dal titular.

³ Il Cussegl federal fixescha ils tips da documents d'identitad e regla las particularitads dals documents d'identitad da las persunas che han privilegis ed immunitatds tenor la Convenziun da Vienna dals 18 d'avrigl 1961³ davart las relaziuns diplomaticas u tenor la Convenziun da Vienna dals 24 d'avrigl 1963⁴ davart las relaziuns consularas.

Art. 2 Cuntegn dal document d'identitad

¹ Il document d'identitad sto cuntegnair las suandardas datas:

- a. num uffizial;
- b. prenum(s);

AS 2002 3061

¹ SR 101

² BBI 2000 4751

³ SR 0.191.01

⁴ SR 0.191.02

- c. schlattaina;
- d. data da naschientscha;
- e. lieu d'origin;
- f. naziunalidad;
- g. grondezza;
- h. suittascripziun;
- i. fotografia;
- j. autoritatad emettenta;
- k. data da l'emissiun;
- l. data da la scadenza da la valaivladad;
- m. numer dal document d'identitad e tip dal document d'identitad.

² Las datas tenor ils bustabs a – d, f, k – m cuntegna il document d'identitad er en ina furma ch'è legibla electronicamain.

^{2bis} Il document d'identitad po vegnir munì cun in chip da datas. Il chip da datas po cuntegnair in maletg da la fatscha e las improntas dals dets da la possessura u dal possessur. Er las ulteriuras datas tenor ils alineas 1, 3, 4 e 5 pon vegnir registradas sin il chip da datas.⁵

^{2ter} Il Cussegli federal fixescha, tge tips da documents d'identitad che vegnan munids cun in chip da datas e tge datas che duain vegnir registradas sin quest chip.⁶ El garantescha ch'i po er vegnir dumandada ina carta d'identitad senza chip.⁷

^{2quater} Plinavant po il document d'identitad cuntegnair ina identitad electronica per funcziuns d'autentificaziun, da signatura e da codaziun.⁸

³ Il document d'identitad po cuntegnair restricziuns dal champ d'applicaziun.

⁴ Sin dumonda da la petenta u dal petent po il document d'identitad cuntegnair il num d'allianza, il num entaifer in urden religius, il num d'artista u d'artist ubain il

⁵ Integrà tras l'art. 2 cifra 1 dal conclus federal dals 13 da zercl. 2008 davart l'approvaziun e la realisaziun dal barat da notas tranter la Svizra e la CE davart ils passaports ed ils documents da viadi biometrics, en vigur dapi il 1. da mars 2010 (AS **2009** 5521 5528; BBI **2007** 5159).

⁶ Integrà tras l'art. 2 cifra 1 dal conclus federal dals 13 da zercl. 2008 davart l'approvaziun e la realisaziun dal barat da notas tranter la Svizra e la CE davart ils passaports ed ils documents da viadi biometrics, en vigur dapi il 1. da mars 2010 (AS **2009** 5521 5528; BBI **2007** 5159).

⁷ La seguda frasa è vegnida aggiuntada a basa da la cifra I da la Lescha federala dals 17 da zercl. 2011 (Dumondas per cartas d'identitad betg biometricas tar la vischnanca da domicil), en vigur dapi il 1. da mars 2012 (AS **2011** 5003; BBI **2011** 2277 2291).

⁸ Integrà tras l'art. 2 cifra 1 dal conclus federal dals 13 da zercl. 2008 davart l'approvaziun e la realisaziun dal barat da notas tranter la Svizra e la CE davart ils passaports ed ils documents da viadi biometrics, en vigur dapi il 1. da mars 2010 (AS **2009** 5521 5528; BBI **2007** 5159).

num da partenadi sco er indicaziuns davart caracteristicas spezialas, sco impediments, protesas u implantats.⁹

⁵ Sin dumonda po il document d'identitat per persunas minorenas¹⁰ cuntegnair ils numbs da la represchentanza legala¹¹.

Art. 2a¹² Segirezza e lectura dal chip da datas

¹ Il chip da datas sto vegnir protegi cunter falsificaziuns e cunter ina lectura nunautorizada. Il Cussegli federal fixescha las pretensiuns tecnicas correspondentes.

² Il Cussegli federal è autorisà da far contracts cun auters stadis davart la lectura da las improntas dals dets ch'en registradas sin il chip da datas, premess che quests stadis hajan ina protecziun da datas ch'è equivalenta a la protecziun da datas svizra.

³ El po autorisar las interpresas da transport, ils gestiunaris d'eroports sco er auters posts adequats che ston verifitgar l'identitat d'ina persuna, da leger las improntas dals dets ch'en registradas sin il chip da datas.

Art. 3 Valaivladad

Documents d'identitat han ina valaivladad limitada. Il Cussegli federal regla la durada da lur valaivladad.

2. part

Emissiun, producziun, privaziun e perdita dal document d'identitat¹³

Art. 4 Autoritat emettenta

¹ Documents d'identitat vegnan emess en Svizra tras ils posts che vegnan designads dals chantuns. Il Cussegli federal po designar ulteriurs posts. Sch'in chantun ha pliras

⁹ Versiun tenor l'art. 2 cifra 1 dal conclus federal dals 13 da zercl. 2008 davart l'approvaziun e la realisaziun dal barat da notas tranter la Svizra e la CE davart ils passaports ed ils documents da viadi biometrics, en vigur dapi il 1. da mars 2010 (AS 2009 5521 5528; BBI 2007 5159).

¹⁰ Designaziun tenor la cifra 2 da l'agjuunta da la LF dals 19 da dec. 2008 (Protecziun da creschids, dretg da persunas e d'uffants), en vigur dapi il 1. da schan. 2013 (AS 2011 725; BBI 2006 7001). Questa midada è vegnida resguardada en tut la lescha.

¹¹ Designaziun tenor la cifra 2 da l'agjuunta da la LF dals 19 da dec. 2008 (Protecziun da creschids, dretg da persunas e d'uffants), en vigur dapi il 1. da schan. 2013 (AS 2011 725; BBI 2006 7001). Questa midada è vegnida resguardada en tut la lescha.

¹² Integrà tras l'art. 2 cifra 1 dal conclus federal dals 13 da zercl. 2008 davart l'approvaziun e la realisaziun dal barat da notas tranter la Svizra e la CE davart ils passaports ed ils documents da viadi biometrics, en vigur dapi il 1. da mars 2010 (AS 2009 5521 5528; BBI 2007 5159).

¹³ Versiun tenor l'art. 2 cifra 1 dal conclus federal dals 13 da zercl. 2008 davart l'approvaziun e la realisaziun dal barat da notas tranter la Svizra e la CE davart ils passaports ed ils documents da viadi biometrics, en vigur dapi il 1. da mars 2010 (AS 2009 5521 5528; BBI 2007 5159).

autoritads emettentas, determinescha el ina da quellas sco post ch'è responsabel per emetter ils documents d'identitat.¹⁴

² Documents d'identitat vegnan emess a l'exterior tras ils posts che vegnan designads dals Cussegl federal.

³ Il Cussegl federal regla las cumpetenças localas e materialas.

Art. 4a¹⁵ Dumondas per cartas d'identitat tar la vischnanca da domicil

¹ Ils chantuns pon autorisar las vischnancas da domicil d'acceptar dumondas d'emitter cartas d'identitat senza chip. En quest cas è il post designà dal chantun tenor l'alinea 1 da l'artitgel 4 l'autoritat emettenta e damai responsabel per examinar ed elavurar questas dumondas.

² Il Cussegl federal po autorisar ils chantuns da permetter a las vischnancas da domicil d'acceptar er dumondas per auters tips da cartas d'identitat.

Art. 5¹⁶ Dumonda d'emissiun

¹ Tgi che vul in document d'identitatad, sto sa preschentar personalmain en Svizra tar il post ch'è vegni designà dal chantun u a l'exterior tar la represchentanza svizra, ed inoltrar là la dumonda d'mitter in document d'identitatad. Persunas minorennes e persunas sut curatella cumplessiva¹⁷ dovràn il consentiment en scrit da lur represchentanza legala.

² Il Cussegl federal decretescha disposiziuns davart la procedura da dumonda e d'emissiun, en spezial concernent:

- a. las datas che dastgan vegnir utilisadas per emetter ils documents d'identitatad e las funtaunas da questas datas;
- b.¹⁸ las pretensiuns envers las autoritads emettentas e, concernent las dumondas per cartas d'identitatad, er las pretensiuns envers las vischnancas da domicil;
- c. l'infrastructura tecnica;

¹⁴ Versiun tenor l'art. 2 cifra 1 dal conclus federal dals 13 da zercl. 2008 davart l'approvaziun e la realisaziun dal barat da notas tranter la Svizra e la CE davart ils passaports ed ils documents da viadi biometrics, en vigur dapi il 1. da mars 2010 (AS **2009** 5521 5528; BBI **2007** 5159).

¹⁵ Integrà tras la cifra I da la Lescha federala dals 17 da zercl. 2011 (Dumondas per cartas d'identitat betg biometricas tar la vischnanca da domicil), en vigur dapi il 1. da mars 2012 (AS **2011** 5003; BBI **2011** 2277 2291).

¹⁶ Versiun tenor l'art. 2 cifra 1 dal conclus federal dals 13 da zercl. 2008 davart l'approvaziun e la realisaziun dal barat da notas tranter la Svizra e la CE davart ils passaports ed ils documents da viadi biometrics, en vigur dapi il 1. da mars 2010 (AS **2009** 5521 5528; BBI **2007** 5159).

¹⁷ Designaziun tenor la cifra 2 da l'aggiunta da la LF dals 19 da dec. 2008 (Protecziun da creschids, dretg da persunas e d'uffants), en vigur dapi il 1. da schan. 2013 (AS **2011** 725; BBI **2006** 7001). Questa midada è vegnida resguardada en tut la lescha.

¹⁸ Versiun tenor la cifra I da la Lescha federala dals 17 da zercl. 2011 (Dumondas per cartas d'identitat betg biometricas tar la vischnanca da domicil), en vigur dapi il 1. da mars 2012 (AS **2011** 5003; BBI **2011** 2277 2291).

d.¹⁹ la moda e maniera co che las vischnancas da domicil han da retschaiver, d'elavurar e da transmetter las dumondas per cartas d'identitat.

³ Resguardond las prescripcziuns internaziunalas e las pussaivladadas tecnicas, po il Cussegli federal prevair excepcziuns da l'obligaziun da sa preschentiar persunalmain.

Art. 6 Decisiun

¹ Las vischnancas da domicil controlleschan las dumondas per cartas d'identitat e verifitgeschan l'identitat da la petenta u dal petent avant che transmetter las dumondas a l'autoritat emettenta dal chantun.²⁰

^{1bis} L'autoritat emettenta controllescha che las indicaziuns da las dumondas transmessas ad ella sajan correctas e cumpletas e verifitgescha l'identitat da la petenta u dal petent.²¹

² L'autoritat emettenta decida davart la dumonda. Sch'ella approvescha l'emissiun dal document d'identitat, incumbensescha ella il post cumpetent da producir il document d'identitat. Ella al transmetta las datas necessarias.²²

³ L'emissiun d'in document d'identitat vegn refusada:

- a. sch'ella untrafaschess ad ina disposiziun ch'è vegnida decretada d'ina autoritat svizra sin basa dal dretg federal u dal dretg chantunal;
- b. sche la persuna che fa la dumonda ha deposità ses documents d'identitat tar in'autoritat svizra da persecuziun penală u d'execuziun penală.

⁴ En enclegientscha cun l'autoritat cumpetenta vegn refusada l'emissiun d'in document d'identitat, sche la persuna che fa la dumonda è publitgada per l'arrestaziun en il sistem informatisà da retschertga da la polizia RIPOL pervia d'in crim u pervia d'in delict.²³

⁵ L'emissiun d'in document d'identitat vegn refusada, sche la petenta u sch'il petent fa ina dumonda a l'exterior, entant ch'ella u ch'el vegn persequità u è vegni sentenzià a l'exterior pervia d'in act chastiabel ch'è – tenor il dretg svizzer – in crim u in delict, e sch'igl èn avant maun motivs da supponer ch'ella u ch'el veglia mitschar da la persecuziun penală u da l'execuziun dal chasti. L'emissiun na vegn betg refusada,

¹⁹ Integrà tras la cifra I da la Lescha federala dals 17 da zercl. 2011 (Dumondas per cartas d'identitat betg biometricas tar la vischnanca da domicil), en vigur dapi il 1. da mars 2012 (AS **2011** 5003; BBI **2011** 2277 2291).

²⁰ Versiun tenor la cifra I da la Lescha federala dals 17 da zercl. 2011 (Dumondas per cartas d'identitat betg biometricas tar la vischnanca da domicil), en vigur dapi il 1. da mars 2012 (AS **2011** 5003; BBI **2011** 2277 2291).

²¹ Integrà tras la cifra I da la Lescha federala dals 17 da zercl. 2011 (Dumondas per cartas d'identitat betg biometricas tar la vischnanca da domicil), en vigur dapi il 1. da mars 2012 (AS **2011** 5003; BBI **2011** 2277 2291).

²² Versiun tenor l'art. 2 cifra 1 dal conclus federal dals 13 da zercl. 2008 davart l'approvaziun e la realisaziun dal barat da notas tranter la Svizra e la CE davart ils passaports ed ils documents da viadi biometrics, en vigur dapi il 1. da mars 2010 (AS **2009** 5521 5528; BBI **2007** 5159).

²³ Versiun tenor la cifra 3 da l'agiunta tar la LF dals 13 da zercl. 2008 davart ils sistems d'infurmaziun polizialis da la Confederaziun, en vigur dapi ils 5 da dec. 2008 (SR **361**).

sche la sancziun smanatschada avess consequenzas che na fissan betg cumpatiblas cun l'urden public svizzer.²⁴

Art. 6a²⁵ Posts da producziun, interpresas generalas, furnituras e furniturs da servetschs e da rauba

¹ Ils posts ch'èn incumbensads cun la producziun dals documents d'identitat e las interpresas generalas involvidas ston cumprovar:

- a. d'avair las enconuschienschas spezialisadas e las qualificaziuns necessarias;
- b. da garantir ch'els e ch'ellas produceschian ils documents d'identitat en moda segira, en auta qualitat, a temp e confurm a las specificaziuns;
- c. da garantir che la proteczion da datas vegnia observada; e
- d. d'avair avunda meds finanzials.

² Persunas cun dretg economics, possessurs da quotas, commembers dal cussegli d'administraziun, d'in auter organ cumparegliabel u da la direcziun sco er autres persunas che han u che pudessan avair ina influenza decisiva sin l'interpresa u sin la producziun dals documents d'identitat, ston avair ina bona reputazion. I pon vegnir fatgas controllas da segirezza en il senn da l'artitgel 6 da l'Ordinaziun dals 19 da december 2001²⁶ davart las controllas da segirezza da persunas.

³ L'Uffizi federal da polizia po dumandar da tut temp ils documents ch'èn necessaris per controllar las pretensiuns tenor ils alineas 1 e 2. Sch'il post da producziun fa part d'ina gruppera d'interpresas, valan questas pretensiuns per l'entira gruppera.

⁴ Las disposiziuns dals alineas 1 fin 3 èn applitgablas per las furnituras e per ils furniturs da servetschs e da martganzia, sche las prestaziuns furnidas han ina impuritanza decisiva per la producziun dals documents d'identitat.

⁵ Il Cussegli federal fixescha las ulteriuras pretensiuns per ils posts da producziun, per las interpresas generalas sco er per las furnituras e per ils furniturs da servetschs e da martganzia.

²⁴ Versiun tenor l'art. 2 cifra 1 dal conclus federal dals 13 da zercl. 2008 davart l'approvaziun e la realisaziun dal barat da notas tranter la Svizra e la CE davart ils passaports ed ils documents da viadi biometrics, en vigur dapi il 1. da mars 2010 (AS 2009 5521 5528; BBI 2007 5159).

²⁵ Integrà tras l'art. 2 cifra 1 dal conclus federal dals 13 da zercl. 2008 davart l'approvaziun e la realisaziun dal barat da notas tranter la Svizra e la CE davart ils passaports ed ils documents da viadi biometrics, en vigur dapi il 1. da mars 2010 (AS 2009 5521 5528; BBI 2007 5159).

²⁶ [AS 2002 377, 2005 4571, 2006 4177 art. 13 4705 cifra II 1, 2008 4943 cifra I 3 5747 annexa cifra 2, 2009 6937 annexa 4 cifra II 2. AS 2011 1031 art. 31 al. 1]. Vair oz l'ordinaziun dals 4 da mars 2011 (SR 120.4).

Art. 6b²⁷ Incumbensas da l'Uffizi federal da polizia

Ultra da las incumbensas ch'èn numnadas en questa lescha ed en las disposiziuns executivas ademplescha l'Uffizi federal da polizia las suandantas incumbensas:

- a. surveglier che las prescripziuns tenor l'artigel 6a vegnian observadas;
- b. dar infurmaziuns ed instrucziuns als posts svizzers ed esters davart ils documents d'identidad svizzers, e quai cun resalva dals interess da mantegnair il secret e da proteger las datas;
- c. dar infurmaziuns a persunas privatas davart ils documents d'identidad svizzers e davart l'emissiun da quels, e quai cun resalva dals interess da mantegnair il secret e da proteger las datas;
- d. dar infurmaziuns ed instrucziuns als posts da producziun ed a las interpresas generalas e surveglier che las specificaziuns vegnian observadas;
- e. perseguir il svilup internaziunal en il sectur dals documents d'identidad e surpigliar la responsabladad per la realisaziun dals standards internaziunals;
- f. manar l'infrastructura da clavs publicas (ICP) per ils documents d'identidad svizzers;
- g. manar il post spezialisà da la Confederaziun per documents d'identidad e da legitimaziun, e quai cun resalva da disposiziuns spezialas divergentas.

Art. 7 Retratga

¹ In document d'identidad vegn retratg, sche:

- a. las premissas per sia emissiun n'en betg u betg pli ademplidas;
- b. ina identificaziun senza dubi n'è betg pli pussaivla;
- c. el cuntegna inscripziuns faussas u betg uffizialas u è vegni midà en autra maniera.

² In document d'identidad po vegnir retratg u po vegnir declarà sco nunvalaivel dal post federal cumpetent²⁸ en cunvegnientscha cun l'autoritat cumpetenta da persecuziun penala u d'execuziun penala, sche sia titulara u sche ses titular sa chatta a l'exterior e:

- a. vegn persequità penalmain en Svizra pervia d'in crim u pervia d'in delict;
- b. è vegni sentenzià d'ina dretgira svizra en moda legalmain valaivla ed il chasti u la mesira n'è ni surannada ni expiada.

²⁷ Integrà tras l'art. 2 cifra 1 dal conclus federal dals 13 da zercl. 2008 davart l'approvaziun e la realisaziun dal barat da notas tranter la Svizra e la CE davart ils passaports ed ils documents da viadi biometrics, en vigur dapi il 1. da mars 2010 (AS **2009** 5521 5528; BBI **2007** 5159).

²⁸ Actualmain: Uffizi federal da polizia.

Art. 8²⁹ Perdita

Mintga perdita d'in document d'identitad sto vegnir annunziada a la polizia. Quella endatescha la perdita en il sistem informatisà da retschertga da la polizia RIPOL. RIPOL transmetta l'avvis da perdita automaticamain al sistem d'infurmazion tenor l'artitgel 11.

Art. 9 Taxa

¹ Il Cussegl federal regla l'obligazion da pajar taxas, il circul da las persunas ch'en pertutgadas da las taxas e l'autezza da las taxas.

² L'autezza da las taxas che vegnan fixadas dal Cussegl federal sto esser favuraivla per las famiglias.³⁰

3. part Elavuraziun da datas**Art. 10** Princip

L'elavuraziun da datas en il rom da questa lescha sa drizza tenor la Lescha federala dals 19 da zercladur 1992³¹ davart la protecziun da datas.

Art. 11 Sistem d'infurmazion

¹ L'Uffizi federal da polizia maina in sistem d'infurmazion. Quest sistem cuntegna las datas persunalas che figureschan sin il document d'identitad e las datas persuna-las registradas ed ultra da quai las suandantas datas:³²

- a.³³ l'autoritatad emettenta ed il post da producziun;
- b. lieu da naschientscha;
- c. ulteriurs lieus d'origin;
- d. numbs dals geniturs;

²⁹ Versiun tenor la cifra 3 da l'agiunta tar la LF dals 13 da zercl. 2008 davart ils sistems d'infurmazion polizialis da la Confederaziun, en vigur dapi ils 5 da dec. 2008 (SR 361).

³⁰ Integrà tras l'art. 2 cifra 1 dal conclus federal dals 13 da zercl. 2008 davart l'approvazion e la realisaziun dal barat da notas tranter la Svizra e la CE davart ils passaports ed ils documents da viadi biometrics, en vigur dapi il 1. da mars 2010 (AS 2009 5521 5528; BBI 2007 5159).

³¹ SR 235.1

³² Versiun tenor l'art. 2 cifra 1 dal conclus federal dals 13 da zercl. 2008 davart l'approvazion e la realisaziun dal barat da notas tranter la Svizra e la CE davart ils passaports ed ils documents da viadi biometrics, en vigur dapi il 1. da mars 2010 (AS 2009 5521 5528; BBI 2007 5159).

³³ Versiun tenor l'art. 2 cifra 1 dal conclus federal dals 13 da zercl. 2008 davart l'approvazion e la realisaziun dal barat da notas tranter la Svizra e la CE davart ils passaports ed ils documents da viadi biometrics, en vigur dapi il 1. da mars 2010 (AS 2009 5521 5528; BBI 2007 5159).

- e. data da l'emprima emissiun e da la nova emissiun, midadas da las datas che vegnan menziunadas en il document d'identitat;
 - f. inscripziuns davart ina bloccada, davart la refusa, davart la retratga, davart il deposit u davart la perdita dal document d'identitat;
 - g. inscripziuns davart mesiras da proteczion per persunas minorenas u per persunas avugadadas che sa refereschan a l'emissiun da documents d'identitat;
 - h. suttascripciu(s) da la represchentanza legala tar documents d'identitat per persunas minorenas;
 - i. inscripziuns davart la perdita dal dretg da burgais tras lescha u tras in conclus da l'autoritat;
 - j. particularitads dals documents d'identitat da las persunas che han privilegis ed immunitads tenor la Convenziun da Vienna dals 18 d'avrigl 1961³⁴ davart las relaziuns diplomaticas u tenor la Convenziun da Vienna dals 24 d'avrigl 1963³⁵ davart las relaziuns consulares.
- 2 L'elavurazion da datas serva ad emetter ils documents d'identitat sco er ad evitar che tals vegnian emess nunautorisadament ed utilisads en moda abusiva.³⁶

Art. 12³⁷ Elavurazion e communicaziun da las datas

1 Per ademplir lur incumbensas legalas pon las suandatas autoritads u ils suandants posts endatar directamain datas en il sistem d'infurmaziun:

- a. l'Uffizi federal da polizia;
- b. las autoritads emettentas;
- c. ils posts da producziun.

2 Per ademplir lur incumbensas legalas pon las suandatas autoritads u ils suandants posts consultar datas dal sistem d'infurmaziun tras la procedura d'invista:

- a. l'Uffizi federal da polizia;
- b. las autoritads emettentas;
- c. il Corp da guardias da cunfin, dentant exclusivamain per sclerir l'identitat;
- d. ils posts da polizia ch'èn vegnids designads da la Confederaziun e dals chantuns, dentant exclusivamain per sclerir l'identitat;

³⁴ SR **0.191.01**

³⁵ SR **0.191.02**

³⁶ Versiun tenor l'art. 2 cifra 1 dal conclus federal dals 13 da zercl. 2008 davart l'approvaziun e la realisaziun dal barat da notas tranter la Svizra e la CE davart ils passaports ed ils documents da viadi biometrics, en vigur dapi il 1. da mars 2010 (AS **2009** 5521 5528; BBI **2007** 5159).

³⁷ Versiun tenor l'art. 2 cifra 1 dal conclus federal dals 13 da zercl. 2008 davart l'approvaziun e la realisaziun dal barat da notas tranter la Svizra e la CE davart ils passaports ed ils documents da viadi biometrics, en vigur dapi il 1. da mars 2010 (AS **2009** 5521 5528; BBI **2007** 5159).

- e. ils posts da polizia ch'èn vegnids designads dals chantuns per registrar las annunzias da documents d'identidad pers;
- f. il post da polizia da la Confederaziun ch'è vegni designà sco cumpetent per tractar quellas dumondas da sclerir l'identidad che vegnan da l'exterior, dentant exclusivamain per sclerir l'identidad.

³ Las datas dal sistem d'infurmazion dastgan vegnir dadas vinavant per identifitgar victimas d'accidents, da catastrofas da la natira e d'acts da violenza sco er persunas sparidas. Las infurmazions ad ulteriuras autoritads sa drizzan tenor ils principis da l'agid uffizial.

⁴ Las autoritads ch'èn cumpetentas tenor l'alinea 2 literas c e d pon consultar las datas dal sistem d'infurmazion er a maun dal num e da las datas biometricas da la persona respectiva tras la procedura d'invista, sche questa persona na po betg preschenstar in document d'identidad.

Art. 13³⁸ Obligaziun d'annunzia

¹ L'autoritat da decisiu annunzia a l'autoritat emettent cumpetenta:

- a. la disposizion d'ina bloccada dals documents sco er l'abolizion da tala;
- b. il deposit dal document d'identidad e la fin dal deposit;
- c. las mesiras da protecziun per persunas minorenzas u per persunas avugadas che sa refereschan a l'emissiu d'in document d'identidad sco er l'abolizion da talas;
- d. la perdita dal dretg da burgais tras lescha u tras in conclus da l'autoritat.

² L'autoritat emettenta endatescha las datas en il sistem d'infurmazion da la Confederaziun.

Art. 14 Scumond da manar bancas da datas parallelas

Igl è scumandà da manar bancas da datas parallelas, cun excepcziun da l'archivaziun limitada areguard il temp dals formulars da dumonda tras l'autoritat emettenta.

Art. 15 Disposiziuns executivas

Il Cussegli federal decretescha disposiziuns executivas davart:

- a. la responsabludad per il sistem d'infurmazion;
- b. il dretg d'access ed il dretg d'elavurar las datas;
- c. la durada da la conservaziun da las datas;
- d. las mesiras tecnicas ed organisatoricas.

³⁸ Versiun tenor l'art. 2 cifra 1 dal conclus federal dals 13 da zercl. 2008 davart l'approvaziun e la realisaziun dal barat da notas tranter la Svizra e la CE davart ils passaports ed ils documents da viadi biometrics, en vigur dapi il 1. da mars 2010 (AS 2009 5521 5528; BBI 2007 5159).

4. part Disposiziuns finalas

Art. 16³⁹ Execuziun

Il Cussegli federal regla l'execuziun da questa lescha. Sche necessari resguarda el las disposiziuns da l'uniun europeica e las recumandaziuns da l'organisazion da l'aviatia civila internaziunala (OACI) davart ils documents d'identitat.

Art. 17 Referendum ed entrada en vigur

- 1 Questa lescha è suttamessa al referendum facultativ.
- 2 Il Cussegli federal fixescha l'entrada en vigur.

Data da l'entrada en vigur: 1. d'october 2002⁴⁰

Disposiziun transitorica da la midada dals 13 da zercladur 2008⁴¹

Suenter che la midada da questa lescha è entrada en vigur, pon las cartas d'identitat senza chip da datas vegnir dumandadas en Svizra durant maximalmain 2 onns tar la vischnanca da domicil sco fin ussa; ils chantuns fixeschan la data, a partir da la qua la las cartas d'identitat pon vegnir dumandadas mo pli tar las autoritads emettentas.

³⁹ Versiun tenor l'art. 2 cifra 1 dal conclus federal dals 13 da zercl. 2008 davart l'approvaziun e la realisaziun dal barat da notas tranter la Svizra e la CE davart ils passaports ed ils documents da viadi biometrics, en vigur dapi il 1. da mars 2010 (AS 2009 5521 5528; BBI 2007 5159).

⁴⁰ Al. 1 da l'ordinaziun dals 20 da sett. 2002 (AS 2002 3067)

⁴¹ AS 2009 5521

